



Kultureqarnermut, Ilinniartitaanermut, Timersornermut Ilageeqarnermullu Ataatsimiititaliaq

22-10-2021  
Sagsnr. 2021 - 1495  
Akt nr. 18230879

**Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuummut imm. 136-imut atatillugu allakkatigut apeqquteqaatit pillugit**

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami ilaasortat.

Qujassutigaaakka ataatsimiititaliap apeqquteqaatai ulloq 19. oktober 2021-meersut, ullormut oqaluuserisassamut UKA2021/136-mut, Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuutip suliarineqarneranut atatillugu saqqummiunneqartut.

Tulliuttuni ataatsimiititaliamit apeqqutigineqartut issuartarpakka ataasiakkaarlugit, kingornagullu akissuteqarfigisarlugit.

**Nuna tamakkerlugu ilitersuisarnermi iliuusissamik periusissiorneq:**

1. Nalilersuinerup innersuussutaani nr. 10-mi siunnersuutigineqarpoq Nuna Tamakkerlugu Iltersuisarfik iliuusissamik periusissamik suliaqassasoq, tamannalu Naalakkersuisunit akuerineqassasoq. Innersuussutigineqartoq Naalakkersuisunit malinniarneqarpa?
  - a. Akissut tunngavilersorneqassasoq kissaatigineqarpoq.

**Akissut:**

Aallarniutigalugu oqaatigineqassaaq inassutigineqartut imarisaanni pisussaaffik nunamut tamarmut atuuttumik ilitersuisarnermut periusissiamik suliaqarnissaq qitiummat, annikinnerusumillu sammineqarluni apeqqut periusissiap ingerlatsiviup sorliup pisussaaffiisa iluaniitsinneqarnissaa.

Siunnersuummi aalajangersarneqarpoq nunamut tamarmut atuuttumik ilitersuisarnermut periusissiamik suliaqarnissaq Naalakkersuisut akisussaaffigigaat. Naalakkersuisut namminneq aalajangersinnaavaat susassaqtartuni kikkunni periusissiap suliarineqarnissaa. Tamatumunngalu atatillugu Naalakkersuisut aalajangersinnaavaat periusissiap Kalaallit Nunaanni Iltersuisarneq pillugu Siunnersuisoqatigiinnit suliarineqarnissaa, tak. Kalaallit Nunaanni ilinniartitaanermut inuus-

sutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq.

Ilutigisaanillu oqaatigineqassaaq Kalaallit Nunaanni Iltersuisarneq pillugu Siunnersuisoqatigiit Naalakkersuisunut siunnersuisartuummata iltersuisarnernik ineriartortitsinissami, tak. iltersuisarneq pillugu inatsimmi § 7.

Ilanngullugulu aamma erseqqissarneqassaaq nunami tamarmi iltersuisarnermut periusissiasaq pilersaarutaannartut eqqarsaataangimmat, ataatsimoorus-sanik siunissamut pilersaarutitut atatillugu, tassami periusissiasaq Naalakkersuisut isumaat naapertorlugu ingerlatassanik sakkussanillu imaqqassaaq, minnerunngitsumillu suliniutissanik aamma iliuusissanik periusissiamik tunngavilimmik piviusunngortinneqartussanik. Tamannalu tunuliaqutaralugu nalilerneqarpoq pissusissamisoornerusutut nunamut tamarmut iltersuisarnikkut periusissiap suliareneqarnissaa iliuuserineqartussanut piareersagaasutut, suliassat oqartussaasunit suliareneqartussat nalunaarsorneqarsimaffiattut, siunnersuisutut sullissisuusunit pinnani.

Tamanna aamma ilalersorneqarpoq suliassap annertussusiatigut qanoq ittuuneratigullu, nalilersuinnermut atatillugu nalunaarusiani oqaatigineqarmat iltersuisarnermut atatillugu apeqqutit amerlasuujusut ineriartortitsinissanik pisariaqartitsiviusut, kisiannili nukiit atorneqarsinnaasut killeqartuusut, tamatumalu pisariaqalersikkaa ersarissunik suliassanik suussusilersuinissaq tulleriiaarinissarlugu iltersuisarnermi siunnersuisarnermilu suliassanik. Taamaattumik suliassaq taanna nunamut namminermut qitiusumik oqartussaasunit isumagineqartariaqarpoq, anguniakkat suliniutissallu ingerlaavartumik ullutsinnut siunissatsinnullu unammilligasanut naapertuuttuunissaannik qularnaarisussanik, nunamut tamarmut atuuttunik iltersuisarnermi periusissiamik suliagarnermi, isiginiarlugu iltersuisarnerup qanoq naammassisaqarfiusinnaanissaa tunniussaqaarnissaalu qitiutillugu.

Naalakkersuisut ilutigisaanik pissusissamisoortutut isigaat Nunamut Tamarmut Iltersuisarnikkut Siunnersuisoqatigiit suliari akulerunneqarnissaat, taamalu siunnersuisoqatigiit pitsaassusilersugaasunik iltersuisarnermut atatillugu tunniussaqaarsinnaammata, iltersuisarnermik suliniutinik ineriartortitsinerni.

2. Qaqugu 'Nuna Tamakkerlugu Iltersuisarfik'-up iliuusissamik periusissaa suliareneqassangatinneqarpa?

**Akissut:**

Nalilerneqarpoq nunamut tamarmut iltersuisarnikkut periusissiamik suliagarneq siunnersuutip akuersissutigineqarsimalernerani aallartinneqarumaartoq, naatsorsuutigineqarlunilu suliart naammassineqarumaartut 2022-p naannginnerani.

3. 'Nuna Tamakkerlugu Iltersuisarfik'-mi iliuusissamik periusissap suliareneqarneranik kikkut peqataatinneqassappat?

**Akissut:**

Pissusissamisoortutut soqutigisaqartut naleqquttut susassaqtullu akulerunneqarnissaat nalilerneqarpoq, ilaatigut suliffeqarnermi illuatungeriit ilinniaqartullu kattuffii, kommunit, ilinniartitaanernik ingerlatsiviit aamma nakorsaa-neq. Taakkuupput kattuffiit il.il. Kalaallit Nunaanni Iltersuisarneq pillugu Siunnersuisoqatigiinni ilaasortassanik inassuteqartartut. Iltersuisarnermik Siunnersuisoqatigiit apeqqutip nr. 1-ip akissuteqarfiginerani sulianut akulerunneqarnissaat eqqaaneqartutut naatsorsuutigineqarpoq. Naalakkersuisut nalilerumaarpaat soqutigisaqartunik allanik aamma akulerussisoqarnissaa pissusissamisuussanersoq.

4. Periusissap aalajangersimasumik akulikissuseqartillugu nutartertarneqarnissaa Naalakkersuisut pilersaarutigaat?
  - a. Taamaappat, qanoq akulikitsigisumik tamanna pisassava?
  - b. Taamaangippat, sooq taamaattoqassanngila?

**Akissut:**

Soorlu siunnersuutip nr. 1-ip oqaasertalerneqarnerani ersittoq nunamut tamarmut iltersuisarnikkut periusissiaq ingerlaavartumik nutarterneqartartussaasoq. Nalunaarutigineqartut aalajangersakkamut oqaaseqaatini ilassuserneqarput, tassanilu ersilluni malinnaatitsilluni nutarterisarnermut tunngatillugu apeqqummut tunngavisoq qanoq annertutigisumik allannguinnissamik, nutarterinnissamik iluarsisuteqartarnissanilluunniit iltersuisarnermut periusissiami pisariaqartitsisoqarnera innersuunneqartarumaarnersoq. Tamatumunnga atatillugu naliliisoqarsimavoq isumaqassanngitsoq pisussaaffiliilluni aalajangersagaliornissaq piffissanut aalajangersimasunut allannguuteqartitsisarnissamik, pisariaqartitsinermik takutitsisoqarsinnaanngippat.

Naalakkersuisut periusissiamik suliaqarnermut atatillugu soqutigisaqartunut aamma oqaloqatigiissutiginiarpaat pissusissamisuussanersoq periusissiap nutarterneqartarnissaanut aalajangersimasunik piffissaliisoqartariaqarnersoq, asser-suutigalugu ukiut marlukkaartumik imaluunniit ukiut pingasukkaartumik.

**Aningaasaqarnikkut allaffissornikkullu kingunissat:**

5. Siunnersuutip aningaasaqarnikkut allaffissornikkullu kingunissaani takuneqarsinnaavoq siunnersuutip §10 imm. 4-mi aningaasartuuteqartoqassasoq, Ilinniarfiit aqqutissiussisussaminnik ilinniartinneqarneranni aningaasaqarnikkut artukkerneqartutut misigisut Naalakkersuisunit aningaasaqarnikkut taperneqassappat, imaluunniit ilinniarfiit ingerlatsinerminni namminneq aningaasartuutissanut misingsersuutiminniit taakku aningaasartuutit matussuserneqarniarpat?

**Akissut:**

Siunnersuummut nalinginnaasunik oqaaseqaatini aningaasaqarnikkut kingunerisasaanut immikkoortumi ersippoq eqqartorneqartumik immikkoortumik 4-mik § 10-mi ilanngussineq piginnaasanut tunngatillugu piumasaqaatinik inunnut Nam-

minersorlutik Oqartussat ilinniartitaanernik ingerlatsiviini ilinniakkamik naammassillugu ingerlatsisartunut aamma ikaarsaartunut ilitersuinernik suliaqartunut ukiumut 15.000 kr.-ingajannik naleqassasoq, aningaasartuutit tamarmiusut ilinniartitaanernik ingerlatsivinnut 15-iusunut naligiimmik agguanneqarpata. Tamanna naatsorsorneqarpoq ilitersuisartunik ukiumut 5-inik ilinniagaqartoqartarnissaanik naatsorsuutigisaqarnermik tunngaveqartumik. Aningaasartuutissat annertussusiannik isiginninnikkut, ilanngullugu isiginiarlugu pineqarmata sulisorisanut tunngasut, pisussaaffinnullu piginnaasani piginnaanngorsaanerit, naatsorsuutigineqarpoq aningaasartuutit taakku aningaasaliissutaareersut iluanni akissaqartinneqarumaartut. Tamanna aamma atuuppoq ilinniartitaanernik ingerlatsivimmi ataatsimi ilitersuisartut arlaqartut ukiumi ataatsimi ilitersuisartut ilinniariartornissaata pineqarfigisaani.

#### **Nuna Tamakkerlugu Ilitersuisarfiup suliassaanik inissisimaneranillu ersarissaaneq:**

6. Siunnersuutip nalinginnaasumik nassuiaatitaani allassimavoq:

*"Peqatigisaanik ilanngunneqarsinnaavoq ingerlatsivimmi suliat arlallit ilitersuisarfiup suliassaanut tunngassuteqarsinnaasut katersorneqarnissaat pillugu maannakkut isumaliuteqartoqarmat. Taamaattumik ilitersuisarfiup inatsisitigut killiffiata maannakkut allannortinnissaa tulluurtut isigineqarnani."*

(Ataatsimiittitaliap ersarissaanera)

Ingerlatsivimmi suliat arlallit suut pineqarnerisut Naalakkersuisunit nassuiaqquneqarput.

#### **Akissut:**

Isumaliutaasuni eqqaaneqartuni pineqarput ilinniagaqartunut pissutsini ingerlatsinikkut pisussaaffiit. Tigussaanagerusumik pineqarpoq apeqqut qanoq annertutigisumik ingerlatsiviit pineqartut suliaat ilinniagaqarnerisuteqartitsinermut, ilinniartunut inissanut sullissinerni aamma ilitersuisarnermut tunngasuni ataatsimoortinneqarsinnaaneri.

#### **Inuusuttunik siunnerfigineqartut ornigulluni ilitersuisarnermut tatiginartumik**

##### **najoqqutassanut missingiusiaq**

7. Inatsisissatut siunnersuutigineqartumi nassuiaammi atuarneqarsinnaavoq ornigulluni ilitersuisarnermut najoqqutassanik Nalunaarummi aalajangersaasoqassasoq. Nalunaarut qaqugu suliarineqareersimassava atuuttunngortinneqarlunilu?

#### **Akissut:**

Pisinnaatitsissutip atorneqarnissaanut piffissalersuinermut apeqqummi Inatsisartut inatsisaanni maanna atuuttumi § 18, imm. 2 naapertorlugu, kommunalbestyrelsinik susassaqtartunillu allanik oqaloqateqarnissat, aqutsinikkut iliuussisani pineqartuni tunngavigineqartussatut naatsorsuutigineqartut pingaarnertut

apeqqutaapput. Tamatumunngalu ilassutitut oqaatigineqassaaq ornigulluni ilitser-suisarneq tassaammat kommunit pisussaaffigisaat, aalajangersimasumik Majori-amit isumagineqartartoq, oqartussaassuseqarnikkullu Isumaginninnermut Suliffe-qarnermullu Naalakkersuisoqarfiup ataaniittoq. Naalakkersuisut oqaloqateqarn-ernik pineqartunik aallartitsiniarput siunnersuutip naammassillugu suliarineqa-reernerani. Taamaattumillu pissutsit maanna atuuttut aallaavigalugit ajornarpoq piffissami matumani piffissalersuissalluni aalajangersakkap atorineqarnissaanik.

#### **Tusarniaanermi akissutit:**

8. Qitiusumik Ilinniartit Ataatsimut Siunnersuisoqatigiiffiat Sulisitsisut peqa-tigalugit tusarniaanermut ataatsimoorussamik akissuteqaammi nalunaa-rutigivaat, siunertamut tulluuttuussasoq allannguutissatut siunnersuutip § 10 imm. 4-mi atorfininnermi ilitersuisutut ilinniagaqarnermik aallartereer-simanissap piffissaliilluni killigitap tamakkiisumik atuuttunngortinneqas-sasoq. Piffissaliilluni killissarititap iluaqutaannginneranik Naalakkersuisut isumaqarnerat pillugu ataatsimiititaliap nassuiaat itisiligaq kissaatigaa.

#### **Akissut:**

Nalunaarneqartumi pineqarpoq aalajangersakkami oqaaseqatigiit aappaat, tas-sanilu ersilluni Naalakkersuisut ilinniartitaanernik ingerlatsivimmiit qinnuteqar-toqarnera tunngavigalugu pisinnaatissinnaagaat ilitersuisarnerit inummit ilitser-suisarnikkut allatut ittunik piginnaaneqartumit ingerlanneqarsinnaasut, ilitersuis-artoq pineqartoq Naalakkersuisut akuerisaannik ilinniakkamik aallartitsisi-mappat imaluunniit pissamaaruteqarpat ilinniartitaanernut ilitersuisartutut ilinni-akkamik ingerlatsinissamik. Tusarniaanermi akissummi eqqaaneqartumi ersip-poq aalajangersakkamik allaffissornikkut atortitsineq oqilisarneqarsinnaasooq, aalajangersakkamik sanioqqutsisinnaanermut periarfissaq ataatsimut nalingin-naasutut atortuutinneqalerpat, piffissaliinikkut qaqugukkut ilinniartitaanernut inuussutissarsiutinillu ilinniartitaanernut ilitersuisartutut ilinniarneq aallartinneqa-reersimassasoq, sulisuusup atorfinni sulilerneraniit isigalugu.

Aallarniutigalugu oqaatigineqassaaq aalajangersakkap oqaasertaani ersimmat aalajangersakkamik sanioqqutsisinnaaneq taamaallaat atorineqarallarsinnaasooq, tamannalu nammineq piffissamik killiliinermik kinguneqarpoq.

Ilanngullugulu nalunaarutigineqassaaq aalajangersakkap sanioqqunneqarsin-naaneranik aqutsineq aalajangersimasumik ileqquliunneqartussaannngimmat, suliassat pisariillisarumallugit, kisiannili pisuni namminerni ataasiakkaani suliaasassalluni. Nalilersuisinnaanermik pisussaaffeqarnermi taamaallaat aala-jangersakkap saneqqunneqarsinnaaneranik naliliisarneq pineqanngilaq, kisiannili aamma sanioqqutsisinnaanerup piffissalersugaanera.

Taamaasillunilu aalajangersagaq piffissalersuisarnermik ilaqartinneqanngilaq, ta-matumalu qularnaartussaavaa pisuni namminerni qinnuteqaatinik ataasiakkaanik nalilersuisarneq. Tamatumani siunnerfiuvoq akuersissuteqartarnerup isumami-neertumik pisartunngortinneqannginnissaa, piffissalersuinermillu tamatumuuna pisariaqanngitsumik atuisoqannginnissaa. Oqaasertalersuinerup maanna atuut-

tup ilutigisaanik pissutsini aqukkuminaassinnaasuni pinngitsuiniarnermik naapertuilluanngitsunik aalajangiisoqarsinnaaneramik siunnerfeqarpoq, eqaatsumik periarfissaqarnissaq tamatumunnga atatillugu pisariaqarpoq, qularnaarumallugu "naapertuilluarneq" annerusoq imaluunniit suliani ataasiakkaani tulluurtunik periaaseqarneq.

Inussiarnersumik inuulluaqqusilluta  
Med venlig hilsen

Peter Olsen  
Naalakkersuisoq